



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՏԵՓԱՆԱՎԱՆ ՀԱՄԱՅՆՔԻ ԴԵԿԱՎԱՐ

Հայաստանի Հանրապետության Լոռու մարզի

Ստեփանավան համայնք, հասցե՝ Սոս Սարգսյան 1, հեռախոս՝ (0256) 2-22-33, էլ. փոստ՝ stepanavan.hamaynapetaran@gmail.com

Ո Ր Ո Շ ՈՒ Մ

«27» փետրվարի 2024 թվականի N 163

ՍԵՐՅՈՒԺԱ ՍՈՒՔԻԱՍՅԱՆԻՑ ՌՈՒՄԻՆԱԿԱՆ ՓՈՂՈՑԻ 16 ՇԵՆՔԻ ԹԻՎ 22 ԲՆԱԿԱՐԱՆԻ ՋԵՐՄԱԱՐԴԻԱԿԱՆԱՑՄԱՆ ՍՈՒՔՎԵՆՑԻՈՆ ԾՐԱԳՐՈՎ ՍԱՀՄԱՆՎԱԾ ՊԱՐՏԱՎՈՐՈՒԹՅՈՒՆՆԵՐԻ ԳԾՈՎ ՎՃԱՐՄԱՆ ԵՆԹԱԿԱ ԳՈՒՄԱՐԸ ԳԱՆՁԵԼՈՒ ՄԱՍԻՆ

ՀՀ կառավարության 2006 թվականի նոյեմբերի 16-ի N 1708-Ն որոշման հավելված N 2-ի 24.4 կետի համաձայն՝ պետք է Ստեփանավան քաղաքի Ռումինական փողոցի թիվ 16 շենքի ջերմաարդիականացման սուբվենցիոն ծրագրի շրջանակներում՝ շենքի յուրաքանչյուր բնակիչ ծրագրով սահմանված 105.348.990 ՀՀ դրամի 5%-ի չափով ֆինանսական մասնակցություն ունենա կատարվող աշխատանքների ծախսերում:

Սերյոժա Սուքիասյանին պատկանող Ստեփանավան քաղաքի Ռումինական փողոցի 16 շենքի թիվ 22 հասցեում գտնվող 3 սենյականոց բնակարանի համար սուբվենցիոն ծրագրով սահմանված վճարման ենթակա գումարը կազմում է՝ 245000 /երկու հարյուր քառասունհինգ հազար/ ՀՀ դրամ, որից վերջինս վճարել է 100000 /մեկ հարյուր հազար/ ՀՀ դրամ: Ներկայումս Սերյոժա Սուքիասյանի պարտավորությունը Ստեփանավան համայնքի բյուջեի հանդեպ կազմում է 145000 /մեկ հարյուր քառասունհինգ հազար/ ՀՀ դրամ:

Վերոգրյալի կապակցությամբ 2023 թվականի դեկտեմբերի 22-ին «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» ենթակետի համաձայն՝ Ստեփանավանի համայնքապետարանի աշխատակազմում հարուցվել է վարչական վարույթ՝ Ռումինական փողոցի 16 շենքի թիվ 22 բնակարանի ջերմաարդիականացման սուբվենցիոն ծրագրով սահմանված վճարման ենթակա գումարը գանձելու նպատակով:

Հարուցված վարչական վարույթի շրջանակներում «Վարչարարության հիմունքների և վարչական վարույթի մասին» ՀՀ օրենքի 38-րդ հոդվածի 1-ին մասի համաձայն՝ 2024 թվականի հունվարի 05-ին, ժամը՝ 11:00-ին հրավիրվել են վարչական վարույթի լսումներ, որին

մասնակցելու նպատակով պատշաճ ծանուցվել է քաղաքացի Սերյոժա Սուքիասյանը: Վերջինս չի ներկայացել վարչական վարույթի խումներին:

2024 թվականի հունվարի 05-ին տեղի ունեցած վարչական վարույթի խումների վերաբերյալ կազմվել է թիվ 2 արձանագրությունը:

Ելնելով վերոգրյալից և հիմք ընդունելով ՀՀ կառավարության 2006 թվականի նոյեմբերի 16-ի N 1708-Ն որոշման հավելված N 2-ի 24.4 կետը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 59-րդ հոդվածներով, «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 24-րդ կետով **որոշում եմ**.

1. Քաղաքացի Սերյոժա Սուքիասյանից հոգուտ Ստեփանավան համայնքի բյուջե գանձել՝ 145000 /մեկ հարյուր քառասունհինգ հազար/ ՀՀ դրամ, որպես Ռումինական փողոցի 16 շենքի թիվ 22 բնակարանի ջերմարդիականացման սուբվենցիոն ծրագրով սահմանված վճարման ենթակա գումար:
2. Որոշման օրինակը եռօրյա ժամկետում ուղարկել հարկ վճարողին:
3. Սույն որոշումը կարող է վարչական կարգով բողոքարկվել Ստեփանավան համայնքի ղեկավարին կամ դատական կարգով ՀՀ վարչական դատարան՝ երկամսյա ժամկետում:
4. Սույն որոշման պահանջները կամովին չկատարելու դեպքում «Վարչարարության հիմունքների և վարչական վարույթի մասին» ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով անբողոքարկելի դառնալուց հետո եռամսյա ժամկետում:
5. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկման հաջորդ օրվանից:

ՀԱՄԱՅՆՔԻ ՂԵԿԱՎԱՐ՝



ԱՐՄԵՆ ԳՐԻԳՈՐՅԱՆ